

## Rimnà 958 181 stumbels da cigaretta

Scolas, organisaziuns e privats han rimnà prest in milliun stumbels da cigaretta en il rom da l'acziun stop2drop

(fmr/cdm) La populaziun en Svizra ed en il Principadi dal Liechtenstein ha rimnà durant l'acziun stop2drop 958 181 stumbels da cigaretta. Uschè han 38.3 milliuns liters aua pudì vegnir protegids da vegnir tschufragnads. En il bogn avert Marzili a Berna stattan las buttiglias da PET ina sper l'otra, passa 1350 furman là ina retscha impressiunanta. Tuttas buttiglias èn emplenidas cun stumbels da cigarettas tissientads ch'eran avant curt anc insanua per terra e tschufragnavan l'ambient. Entaifer sulet duas emnas han classas da scola e privats da la Svizra e dal Principadi dal Liechtenstein pudì ramassar en tut 958 181 stumbels. L'acziun ha cuzzà dals 9 enfin ils 22 da mars. 671 470 stumbels èn vegnids tramess tiers per posta. 286 711 stumbels èn vegnids fotografads e tramess tiers sin via digitala. «Cler, nossa finamira era da rimnar in milliun, per quai n'hai betg tanschì. Tuttina sun jau fitg intgantà dal resultat», ha declerà il manader dal project Markus Dick. 143 pachets e 72 maletgs èn vegnids inoltrads da scolas. 63 pachets e 19 maletgs da persunas privatas e d'organisaziuns per l'ambient èn 6 pachets e 7 maletgs vegnids inoltrads. Resumà pon ins dir che stumbels da 47 909 pacs da cigarettas èn vegnids smanads per terra a moda indifferenta. Tut questas cigarettas han custà 412 017 francs.